


北京圖書館出版社

叢書 人物傳記資料類編

學林卷





叢書人物傳記資料類編

學
林
卷
16

本社古籍影印室
編

北京圖書館出版社

第十六冊目錄

竹垞府君(朱彝尊)行述	一卷(清)朱桂孫(清)朱稻孫撰	一
稼書先生(陸隴其)年譜	一卷(清)陸宸微(清)李鉉撰	一九
紀慎齋先生(大奎)崇祀錄	一卷(清)佚名輯	七七
先府君(焦循)事略	一卷(清)焦廷琥撰	三二七
王文簡公(引之)行狀	一卷(清)王壽昌等撰	四二九
羽琤山民(龔自珍)逸事	一卷(清)魏季子(民國)繆荃孫撰	四八三
石州(張穆)年譜	一卷(清)張繼文撰	四八九
崇祀錄	一卷(清)朱之榛輯	六〇三
人名索引		七二一

皇清欽授徵仕郎日講官起居注翰林院檢討顯祖考竹垞府君行述

嗚呼痛哉我王父竟棄

不孝性孫

等而長逝耶自己卯冬痛遭我父之變壬午春復

遭我母之變鮮民之生不如死之久矣所以延息至今者幸賴我王父提攜鞠育相

依爲命未嘗離膝下也

不孝

等念王父雖年高素善顧養少疾病今已踰大耋耳目

未衰著書不輟竊謂天假之年百齡可冀奉侍之日猶長孰意病疴七日遂致不起

也耶天乎痛哉

不孝

等尙何以爲生哉既又念我王父一生文章經術爲海內儒宗

出處遭逢爲詞林盛事

不孝

等若泯然以死不可當代立言大君子大手筆譔次事

行勒諸貞珉用垂千百世則

不孝

等負罪滋大謹追憶所聞略陳萬一冀采擇焉王

父諱彝尊字錫鬯號竹垞先世系出唐茶院公諱瓌之後世居吳中至明十世祖西

灣公諱煜自吳江盛澤之三家村贅於秀水商河陳氏遂家焉西灣公生耕樂公諱

福緣耕樂公生月梅公諱恭月梅公生二子長慕椿公諱敬次慕萱公諱彩慕萱公

生東山公諱儒字宗魯以醫顯仕至奉政大夫太醫院院使以五世祖貴贈光祿大

夫柱國少保太子太保戶部尚書武英殿大學士妣唐氏生妣王氏俱贈一品夫人而月梅公墓實公兩世皆贈官如東山公妣皆一品夫人東山公生四子長鳳川公諱國楨以子廣原公諱大啓貴累贈通議大夫刑部左侍郎次瑞寰公諱國祥以嗣子君揚公諱大烈貴贈工部營繕司主事次卽五世祖養淳公諱國祚字兆隆以太醫院籍補順天府學生中萬曆壬午鄉試癸未賜進士第一人除翰林院修撰知起居注曆司經局洗馬遷諭德進右庶子戊戌以禮部左侍郎兼翰林院侍讀學士攝本部尚書事壬寅轉吏部右侍郎引疾歸光宗卽位起南京禮部尚書是年命入東閣加太子太保進文淵閣尋以戶部尚書兼武英殿大學士加少傅回籍卒贈太傅諡文恪事詳國史配何氏封一品夫人次養浩公諱國禮官太醫院吏目文恪公子六人高祖考忱予公居長諱大競字君籲山官生除都察院照磨曆都事署經歷司天啓初授階修職郎轉後軍都督府經歷司都事台階文林郎尋升太僕寺丞遷工部營繕清吏司主事先是河南道御史梁夢環羅織朝士之不附己者公以文恪公

喪奔回籍尙未起復夢環誣奏下法司提問會思陵卽位公入都上疏自訟獲免出知雲南楚雄府事官著如僧舍民愛如慈母甫八月聞母何太夫人訃解印綬歸卒配徐安人華亭文貞公諱階之曾孫女忱予公子五人長卽曾祖考晦在府君諱茂暉字子若萬曆中補秀水縣學生天啓五年九月承祖廕授中書科中書舍人好博覽經史之外諸子百家靡不兼綜性樂取友復社第一集同盟奉爲倫魁所輯禹貢補註徐闇公孝廉謂當與程泰之傳同叔並傳卒有晦在先生集以王父通籍康熙二十年十二月二十四日覃恩贈徵仕郎日講官起居注翰林院檢討曾祖妣鄭贈儒人海鹽端簡公諱曉之曾孫女次本生曾祖考子衡府君諱茂曙天啓初補秀水學生甲申後棄去及卒鄉人私謚安度先生撰兩京求舊錄有春草堂遺稿配華亭唐儒人禮部右侍郎掌翰林院事文恪公諱文獻之孫女知石屏州事諱允恭之女事詳戶部長洲汪公墓志銘安度先生子三人我王父其長也晦在先生無子以序立王父爲後王父幼鞠於生高祖妣蔡儒人生數歲屢覩神物怪異之狀從旁者輒

無所見及就塾書過眼卽能覆誦不遺一字有神童之目塾師胡先生偶舉王瓜俾作對王父應聲曰后稷師怒欲加夏楚曾叔祖芾園先生見而奇之後遂同譚舟石左羽陸孝山義山諸表伯叔祖請業焉王父日記萬言讀時藝至二十餘篇每發一題下筆千餘言立就同學罕有麗者於詩藝尤上曾祖姑夫五經進士元孩譚公視王父猶子以國士許之崇禎十三年辛巳浙東西大旱飛蝗蔽天歲饑人相食自先太傅文恪公以宰輔歸里家無儲粟先高祖繼之益以廉節自礪知楚雄府事還力不能具舟楫假貸於上官而後就道至是先高祖已卒本生曾祖考安度先生家計愈窘嘗至絕食高叔祖君平公通判成都以蜀江米四斛貽安度先生米色殷而糲食之鮮可以飽王父讀書自若也當時文尙浮華駢麗芾園先生獨賞嘉定黃陶菴文以稿授王父既而先生語曰河北盜賊中朝朋黨亂將成矣何以時文爲不如舍之學古乃授周官禮春秋左氏傳楚詞文選丹元子步天歌人皆笑以爲迂俄而亂不可遏矣甲申年十六安度先生去先太傅碧漪坊舊第避兵夏鼎蕩本生曾祖妣

唐太儒人病終丙舍王父朝夕擗踊每上食號慟不能起於時安度先生家貧多難爲王父擇配贅於教諭馮公宅自攜兩叔祖播遷塘橋之北生高祖妣蔡孺人又歿益窮苦王父既婚留馮村有華亭王鹿柴先生過馮公見王父問曰曾學詩否對曰未也先生乃言曰詩有一學而能者有終身學之而不能者洵有別才焉酒至舉古人名俾王父屬對如顧野王對沈田子鄭虎臣對沈麟士蔡興宗對崔慰祖之類難以悉數先生見王父應對不窮語馮公曰此將來必以詩名世其取材博矣無何偕先王母馮孺人至塘橋侍養安度先生所居隘不能容遂賃梅里道南茅亭之居迎先生至里繼又移居接連之橋結里中王介人周青士繆天自沈山子及家孝廉近修諸先生以詩歌唱和遠近稱詩者咸過梅會里就王父論風雅流派靡不心悟同里倦圃曹公見王父詩文尤賞擊不置乙未始遊山陰過梅市訪祁氏舅弟留數月明年海寧楊公官嶺南以幣聘王父課其子卽晚研先生兄弟也留二年交屈處士翁山陳處士元孝時曹公領滿粵中交相唱和又明年歸里復偕曹公及愚山施公

王處士于一陸處士麗京於湖上爲文酒之會壬寅訪馮公於歸安儒學癸卯客永嘉其冬安度先生病革王父忽心動辭歸歸未旬日而安度先生棄世王父哭泣盡哀喪事靡不中禮明年偕高念祖先生客京師尋至雲中訪副使曹公轉客太原王父方欲注歐陽五代史以五代之主其三皆起晉陽最後劉晏三世固守其地恆策馬縱游覽其廢墟家藏之文祠堂佛刹之記靡不搜剔以資考證又明年留左布政司廣平王公官解公所藏白玉腕直累千金用以譙王父王父愛之俾留書屋命廚人月致桑落酒二甕其致敬如此丁未秋自代州復至雲中訪曹公公雅好王父填詞酒闌燈炮更迭唱和甫脫稿卽爲銀箏檀板所歌已而訪孫少宰退谷先生於北平先生謝客著書不妄延接一見王父卽訂忘年之好王父客游南北必橐載十三經二十史諸書自隨先生過旅寓見插架謂人曰吾見客長安者務攀援馳逐車塵蓬勃間不廢著述者惟秀水朱十一人而已明年客濟南中丞劉公幕贊公疏請封周公後裔爲五經博士旣而事不果上己酉春謁孔林過鄒縣謁孟子廟是秋歸

葬安度先生唐太孺人於長水之東先是王母馮孺人徙居西河村舍尋還梅會里自甲申後避兵田舍凡十餘徙王父性愛竹所居必擇有竹之地至是買宅於鄰宅西有竹因以竹垞自號焉是年爲先父完婚尋復客濟南挈先父以行明年冬復入都偕同里李先生秋錦吳江潘先生稼堂上海蔡先生竹濤游西山有詩一帙傳鈔者不絕又明年客江都與寧都魏處士冰叔定交處士以古文自命獨稱王父所作謂考據古今人物得失爲最工崑山顧寧人先生亦謂王父古文辭出侯朝宗王于一之上新城王公阮亭又謂王父之文紆餘澄澹蛻出風露於辨證尤精其爲名流所推服如此爰取所著詩古文辭編爲竹垞文類二十六卷刊行之癸丑留潞河龔僉事幕中與公子衡圃先生唱和結契殊厚乙卯七月曾祖考晦在府君卒九月自潞河奔喪回里越二年戊午天子法古制科取士特詔在廷諸臣暨督撫大吏各舉博學之彥毋論已仕未仕徵詣闕月給太倉祿米王父被薦入都明年三月朔召試太和殿廷發題賦序詩各一首學士院散官紙光祿布席賜謀體仁閣下中使傳旨

向來殿試進士定例立而對策今以爾等積學博聞特賜坐賜食僉謝恩畢既納卷次日天子行大蒐禮次郊圻東卷授三大學士暨掌院學士定其高下益都馮公讀王父卷歎爲奇絕天子親拔置一等得除翰林院檢討充明史纂修官騎驢入史局卯入申出監修總裁交引相助而館閣應奉文字院長不輕假人恆屬王父起草越二年辛卯上命增置日講官知起居注八員王父與焉是秋典江南鄉試拜命之日屏客不見既渡江誓於神入闈矢言益厲關節不到榜放人皆悅服明年春入都蔚州尙書魏公衣朝衣過王父再拜曰吾非拜君也慶朝使之得人也時王母馮孺人由水路北上無家具僅載書兩大篋盜劫所居止餐錢二千白金不及一鎰也壬戌除日侍宴保和殿癸亥元日賜宴太和門十三日復賜宴乾清宮是夜賜內紵表二裏一十五日侍食保和殿是日再入保和殿侍宴二十日召入南書房供奉恩賜禁中騎馬三十日上自南苑回賜所射兔二月二日賜居禁垣景山之北黃瓦門東南駕幸五臺山回賜金蓮花銀盤菇尋復賜紵賜御衣帽賜醍醐飯賜鮓魚又賜法酒

官羊鹿尾梭魚等物皆大官珍品甲子元日王父方侍宴天子念講官家人復以肴菓二席特賜王母馮孺人九拜受之洵異數也王父念聖恩深重矢以文章報國凡詩篇經進上輒稱善居一年名挂彈事吏議當落職天子憐王父才止左謫焉三月自禁垣徙居宣武門外時先王母病病愈八月浮舟潞河而還王父寓古藤書屋日與坐客賦詩復取通籍以後所作目曰騰笑集刊之既罷官貧不能歸留京師以遼金元明曆代建都於是迺采摭羣書自六經以至百家二氏國史家集方輿海外之記載遺賢故老所傳聞靡不蒐錄凡千六百餘種集之爲日下舊聞踰年而書成又以經學宜本漢唐諸儒箋疏以窮其源乃集古今說經之書撮其大義稽其存佚爲經義考己巳三月自古藤書屋移寓槐市斜街越二年補原官明年正月復罷官三月解維張灣是秋旋里尋游嶺南時先父客家中承徵蔭公幕府王父至卽隨侍歸里明年二月王母馮孺人卒丙子夏結曝書亭於池南爲游憩之所歲在戊寅王父年七十矣思拙所著經籍詩文刊之建陽麻沙村首夏偕查表叔祖查田先生入閩

不孝桂孫

隨侍抵崇安遊武巨幔亭九曲諸勝抵福州訪方伯汪公學使汪君汪君

試竣率諸生來謁先期爲王父介雅七月發福州至建寧登舟送客失足墮水已而
病瘡八月初抵家猶未痊先父憂甚亦病王父尋愈其冬四叔祖彥琛公卒經紀其
喪悲悼不止己卯春天子省方江浙王父至無錫迎駕是年十月先父竟以疾終王
父勸甚曰吾儲書八萬卷與吾子讀之今已天死讀我書者誰歟壬午春先母沈孺
人復以病終王父心愈憂戚不能家居旋攜從叔襲遠寓吳門張孝廉匠門書屋顧
孝廉秀野草堂暨徐上舍白華書屋中承宋公數招游燕尋輯明詩綜開離於白蓮
涇之慧慶僧舍明年癸未翠華南幸王父復至無錫迎駕甲申二月徐上舍七來請
游洞庭王父偕諸君坐赤馬船渡太湖抵西山宿消夏灣縱游石公林屋諸勝返於
慧慶於時詣招提問業者接於達道無不鑒所欲而去弟子著錄者日益衆明年乙
酉上南巡三月無錫迎駕越三日朝見行殿尋幸浙江駐蹕棠花涇皇太子遣近侍
二員入城至先少保東山公南門舊第問王父近狀以村居離城三十里乃去時王

父已至杭州候駕臨幸矣四月七日皇太子又着近侍問王父飲食藥餌之類及有子幾人孫幾人曾出仕否王父悉以對是日偕德清徐公朝見皇太子於行殿令旨賜坐賜食命賦白杜鵑花詩皇太子稱善勿置特書風追爽潒四字匾額以賜又賜七言對聯云白雪新詞傳樂府青雲舊路接仙班既又賜表裏八謝恩出命小內監扶掖而行初九日朝皇上於行殿進經義考一套又進皇太子經義考一套上諭查供奉聲山朱彝尊此書甚好留在南書房可速刻完進呈查公傳命王父是日同諸公留駕特賜研經博物四字匾額跪領謝恩而出同時拜御書者二十人王父獨賜匾額出宸衷殊渥也十二日駕回蘇州十五日皇太子命織造放公召王父進見免行禮賜坐問年老喜食粥否王父回奏臣每早食粥卽命進粥皇太子問你弟子在內廷者幾人回奏查昇汪士鋐錢名世都是臣的弟子皇太子卽傳錢君至行殿云這是你的先生故着你陪他旋以審製詩集賜觀并問作詩之法王父從容敷對移時容顏深悅又問藏書幾何回奏臣家素貧不能多購命以書目進呈皇太子問這

書目是誰寫的回奏是臣保寫的蒙皇太子稱好又問平日著述幾何王父開目進

呈皇太子願謂近侍曰這老翰林是海內第一讀書人汝等看看亦是好的王父感

泣謝恩出仍命近侍扶掖至宮門外尋同諸公送駕至無錫皋橋而返是年秋客三

城與通政曹公酬唱者浹月稍係隨杖履焉歸葬歸安教諭馮公賢配胡孺人繼董

儒人於馮氏祖塋之旁又爲舅祖原潔公立後明年正月葬生高祖妣蔡孺人曾祖

考晦在府君曾祖妣鄭太孺人曾叔祖子荃公會叔祖母陸孺人叔祖千里公叔祖

母沈孺人三世七棺於下徐蕩楚雄公兆之右王父立雨雪中親視井椁葬畢而返

明年丁亥客吳三月天子復南巡仍往無錫迎接尋幸浙江朝於西湖行殿偕相國

陳公學士佟公先後湖上賦詩駕回王父以足疾復發送至五里亭上遙見王父願

問內侍曰這是朱彝尊麼內侍傳問王父回奏臣是朱彝尊御舟行速不及再奏明

年戊子編曝書亭詩文集時連年水旱米穀騰貴飢民塞路七月中王父倡始爲粥

以食餓者遠近就食日數千人八月二十一日爲王父八十初度適有從叔祖有舟

公之戚能稱觴焉今年正月菽麥未熟飢民轉多王父憂之復偕里人爲粥於古南
禪院請太守臧公委官董其事每日就食者幾二萬人自二月初至三月中乃止聞
詔下青宮再建王父賦詩有復覩重光日無煩四老人堂懸銀榜舊筭出紵衣新之
句四月將交所輯離志於曹公攜相係再至維揚留眞州曹公數過旅話許爲刊集
時大理李公都運李公適來會都運尋以畫舫送行渡江而歸閒居謂相係曰凡學
詩文須根本經史方能深入古人窠奧未有空疏淺陋勦襲陳言而可以稱作者今
汝年已長記云時過然後學則勤苦而難成獨學而無友則孤陋而寡聞斯言宜三
復也因招弟子王布衣沈秀才翼家上舍珥諸君過醞舫讀書賦詩者踰月尋發
雕曝書亭詩文全集每日刪補校勘忘其勞焉九月中得澤州相國寄懷長律誦其
入直居人後投林在鳥先等句謂可稱詩史十月七日值掃先少保東山公墓王父
感微疾不能詣墓所命桂係等代往明日起坐娛老軒中閱書微有倦態食粥一甌
午後不復進食自此寒熱間作然神氣如故桂係等以王父年高非參桂不能補腎

者亦云宜服乃請命於王父而服之是夜甚相安謂

稿孫

曰吾集不知何時可刻完

年老之人不能久待奈何又謂建文實錄曲學紕謬附會成書我病稍差尙當考正

續爲之無使後世滋惑也晚刻進獲湯是夕寒熱又作從叔襲遠自吳門歸來問疾

王父張目曰汝吳中來知太守陳公近續否次日錢姑夫姑母攜諸表弟自桐鄉來

問安王父執姑母手曰我望汝甚切來何遲也我無他病惟寒熱拘縮耳至晚

桂孫

等執燭復進獲湯王父猶起坐手執碗飲畢足寒索襪既着復脫去就枕

桂孫

等環

泣問王父王父並不及家務惟數問局中劄剛事俄而微睡聲息漸沈至漏下三鼓

遂長逝矣嗚呼痛哉我王父幼經亂離隱居田野不求聞達繼而海內又安授徒不

給擔簦遠遊南北萬里交天下鉅儒遺老所爲詩古文辭推重當世又嘗集唐人詩

爲長短句流播朝野樂府歌之性不好治生所得脩脯以分故舊識賓客不少新惜

通籍後惟守先太傅文恪公墓田七十畝不增廣尺寸歸里以來惟以著述自娛故

人及門弟子餽遺輒以購書至爲人作志銘必發其潛德紀其懿行不爲溢美諛慕